



144
IOANNIS CHIFLETII,
CANONICI TORNACENSIS
SOCRATES,
SIVE
DE GEMMIS
EIVS IMAGINE COELATIS
IVDICIVM.

TO ANNIS CHITLIT

CANONICI TORNAGENSIS

SOCRATES

SIVE

DE GEMIS

EIVS IMAGINE COEUVATIS

IVDICIVM.

IOANNI-IACOBO
CHIFLETIO
EQVITI,
AC REGIO ARCHIATRORVM
COMITI,

IOANNES CHIFLETIVS FILIVS S.



ENIT ad Te, amantissime
Pater, Ethicæ Philoso-
phiæ Princeps; & rarâ ar-
gumenti nouitate, anti-
quæ probitatis ac sapientiæ
Senex in publicum pro-
dit, etiam personatus, vt olim in Scenam;
& Tragico cothurno, vt ire iussus ad ge-
lidas cicutas: teter in speciem, hirsutus, ob-
scurâ & portentosis additamentis implexâ
immagine, quam nemo reuelare posse vi-
deatur, ne Oedipus quidem, nisi velit
cum laruis luctari. Quo in conatu venia, si
A 2 vspiam,

vspiam, parabilis aberranti. Sed sunt ho-
 dieque, & erunt posthac, vt Tute nosti,
 imperiti quidam Sophistæ, qui cùm hu-
 manitatis omnis, ac liberalium ipsi discipli-
 narum expertes sint, earum in alijs studium
 condemnent, molesteque ferant multa il-
 los passim in scriptis suis de Poëtis, Histo-
 ricis, atque Oratoribus spargere, atque hoc
 veluti condimento eruditæ disputationi-
 bus conciliare suauitatem, quam & Syne-
 sio Episcopo inuidisse eiusdem farinae ho-
 mines notat Dionysius Petauius. Horum
 palato ne Attica quidem bellaria fecerint
 fatis: nihil minus credibile apud illos,
 quàm habere ista in recessu grandius ali-
 quid, quàm fronte promittant. Hi vide-
 licet & Alcibiadis planè admirabiles Sile-
 nos parui æstimaturi sunt, quorum simula-
 chra hispido ore, tetro, & aspernabili, sed
 intus plena gemmarum, supellectilis raræ,
 & pretiosæ. Verum id quidem (neque
 ego inficior) in palliatis gloriæ mancipijs,
 sub intonso capite, negligentiore barbâ, &
 aspero illo cultu Philosophorum, maxima
 sub-

*In Dionem
 Synesij.*

*Nicolaus
 Aleman-
 nus Pra-
 fat. ad
 Latera-
 nens. Pa-
 riet.
 Io. Picus
 Miran-
 dul. Ep. ad
 Hermol.
 Barbar.*

subinde vitia latuisse: *Non enim virtute, ac
studijs* (quod ait Quintilianus) *ut haberetur* Philosophi, laborabant; *sed vultum, & tristitia*, & *dissentientem ceteris habitum pessimis*
moribus prætendebant. At

5

L. i. Oratoriae Institutionis.

Chrysippus non fecit idem, nec mite Thaletis
Ingenium, dulciq; SENEX VICINUS HYMETTO,

vt canit Poëta, Hymetto monte terræ Atticæ SOCRATEM designans, & eius patriam; in quâ clarus sapientiâ, ea virtutis heroicæ facta ante Euangelium edidit, quæ nec post Euangelium, ac post incurrentia in oculos nostros Christi Domini exempla edimus. Iniurias enim nec vindicauit; nec vindicari voluit, sed vetuit: percussus calce, percussorem salutauit: in vnâ verberatus maxillâ, alteram obiecit: mortem iniquissimam animo æquissimo tulit, & ante illam, quæ suis calumniatoribus obuentura post illam essent, certò prædixit; tritum illud, & vulgò comprobatum corrigens prouerbium: *Quod amicis*
benè, inimicis malè oporteat facere; priorem partem, vt erat, relinquens laudauit, *Amicis*

Inuenal. Satyr. 13.

Petrus Halloix de Scriptoris. Eccles. Oriental. in S. Iustino.

Themistius Orat 4. ad Valentem Imp.

benè facere oportere; alteram emendauit, traijciens, & quædam addens: *Amicis* quidem benè facere oportere; *hostibus* verò non male, sed potius *amicos* nobis adiungendos hos ipsos. Et ad minantem sibi, *Nisi te arreptum occidero*; vicissim minitans, *Nisi te, inquit, amicum fecero*. Ad hæc: *Mortis meditationem*, veram esse *Philosophiam* docuit: Deo obediendum magis quàm hominibus: non corporum, non pecuniarum, non aliarum omnino rerum curam prius vehementiùsque, quàm animi habendam esse, ut quàm optimus sit: non ex pecunijs, sed ex virtute pecunias aliq̃ bona omnia, & priuatim & publicè hominibus provenire. Ut non verear talem Philosophum, laruâ sublata, Tibi sistere, tamquam *vita Christiana imaginem quamdam*, aut saltem *umbram*: Virum sapientem cum malâ fortunâ compositum, spectaculum, quod omnium in se oculos possit conuertere. Suaue enim erit & iucundum, luce Gemmeâ nouisse illud caput, quo se cælestis animus inclusit, deforme quidem, sed veteri nube reiectum, atque amoto Antiquitatis

Atti-

Marfilius
Ficinus in
Phædonem
Platonis.

Atticæ sipario , meâ qualicumque operâ,
 in clariore explicationis lumine colloca-
 tum. Facies porrò , quod solitus es , si,
 cum proprijs abundes virtutibus, etiam
 alienas , & SOCRATICAS ames. Neque
 mihi dubitandum , quin si minùs ex hac
 Lucubratione ingenij laudem , pij certè
 erga Te animi, & officiosæ voluntatis con-
 secuturus sim. Tornaci IV. Idus Februa-
 rij. M. DC. LXII.



IN
IOANNIS CHIFLETII
SOCRATEM,
NICASII FABII
CANONICI ATQVE OFFICIALIS
TORNACENSIS
CARMEN SENARIUM.

EST hominis animus ENTIVM ENTIS fabrica,
Diuini imago Luminis, pars Numinis,
Ad Supera promptus scandere, si noscere
Se velit, & vnde-vnde sit contemplarier.

Ast corpus illi pragrauans & terreum,
Suaq; nimis quàm tenax originis,
Nihil patrocicante formâ, utcumque sit
Insignis specie, insignis turpitudine.

Quis magnus ille SOCRATES Sophia decus?
Quali ille vultu, quâve fronte preditus?
Ore inuenustus, & labello turgidus,
Depili capite, glaber & barbâ hispidus,
Et crine hirsutus, & cute rudis asperâ,
Et fluidus oculis, & tuberosus genis,
Et nare patulus, naso simus oppido:
Talem, pol, videas, Archi-Thersiten putes.
Verùm quis animus illi, quæ vis pectoris,

Et quanta virtus fuerit, nunc edissero.
 Sublimis animus, saculo maior suo,
 Suaq₃ perquam conscius originis,
 Subire solitus atria SAPIENTIAE,
 Ac templa THEMIDIS, & HONESTI sacraria
 Perspicace oculo mentis perscrutarier.

Quin etiam prima lucis ad exordia
 Conuerso visus immotoq₃ corpore,
 Tamquam reapse migrasset à corpore,
 Pernoxq₃ perdiusq₃ perpeti pede,
 Quas alma virtus animo parat adoreas,
 Haurire, melle dulciores Attico.

Maligna si illum perstrinxit calumnia,
 Si calcem impegit audaculus rabula,
 Aut petulans fecit scurra contumeliam,
 Patrocliano perluit si lotio
 Xantippe coniux pessimarum pessima;
 Nullo dolore corrumpit constantiam,
 Nec potuit vir natus moueri inanys.

Ista ut pateret SOCRATIS sapientia,
 Pythia lebetes fata promens aureo,
 Hoc dare virtuti voluit testimonium
 Ἀνδρῶν ἀπάντων Σωκράτης σοφώτατος.

Quid tum, cum Anitus & Melitus improbi,
 Rabidusq₃ Lycon, fraudium architectones,
 In innocentem conflarunt mendacia?

* *

Quid

*Quid cū tulere indices sententiam?
 Frigida visceribus cū cicutā incubuit?
 Perstitit abena MENTIS æquanimitas,
 Et risit mortis inter atra nubila.*

*Post fata virtus luce maiori emicat;
 Calamitatem sera vincit veritas.*

*Ergo Senatum pœnitudo tenuit,
 Et statuit sacro monumentum NOMINI
 Manus Lysippi dedolatam statuam;
 Sed quam consumpsit magni lapsus temporis.*

*At tu, CHIFLETI, Gentis lux Sequanica,
 Atque illustre decus nostra porrò Belgica,
 En statuis ære monumentum perennius*


*MAGNÆ VIRTVTI SAPIENTIS SOCRATIS.
 Prome agedum Gemmas vultu sculptas SOCRATIS,
 Cunctaq; resolue quæ latent emblemata:
 Tua ista palma est, & honos tibi debitus,
 Ouat refectus Gemmis, Socrates, tuis.*

*Beata Te præcone VIRTVS SOCRATIS,
 Beata Gemma, quin beata sollertia
 Tua, CHIFLETI, Gemmarum Arbiter vnice,
 Et vera SAPIENTIÆ amator vnice.*


*Dum reddis orbi cuncta hæc cognitissima,
 Cascasq; Gemmas disperire non sinis,
 Redhostiente amore Principis Sophi,*

Nos alterum Te predicamus SOCRATEM.

TABVLA PRIMA.



1



2



3



4

TABVLA SECVNDA.



5



6



7



8

TABVLA TERTIA.



9



10



11



12

TABVLA QVARTA.



13



14



15



16

TABVLA QVINTA.



17



18



19



20

TABVLA SEXTA.



21



22



23



24

17

IOANNIS CHIFLETII,
 CANONICI TORNACENSIS
 SOCRATES,
 SIVE
 DE GEMMIS
 EIVS IMAGINE COELATIS
 IVDICIUM.



ILLIVS Auctor est, Zopyrum, qui se naturam cuiusque ex formâ perspicere profitebatur, cum multa in conuentu vitia collegisset in Sócratem, derisum esse à ceteris, qui illa in Sócrate vitia non agnoscerent: ab ipso autem subleuatum esse, cum illa sibi vitia inesse, sed ratione à se deiecta diceret. In eodem argumento petraetando, siue IVDICIO de IMAGINE Philosophi, quem tota suspexit Antiquitas, si non semel coniecturam modestè potiùs interpono, quàm vt in omnibus assertionem adhibere præsumam, ante omnia illos meminisse velim, quos hæc studia delectant, quique eiusmodi cognitionem putarint tanti; in Gryphis, aut Ænigmati (qualia hic plurima) ingenij etiam laudem habere eum, qui acutè & appositè coniectet, aut diuinet, non tantùm qui non aberret, fallatur, aut

Lib 4.
 Tusculan.
 Question.

A

fallat.

*Commen-
tar. in Au-
rea numi-
smata Du-
cis Ar-
schotani.*

fallat. Quibus verbis eamdem sibi veniam dari postula-
bat in veterum Numismatum explicatione doctissimus
Ioannes Hemelarius, nostri Ordinis, & Canonicus An-
tuerpiensis.

*Lipsius de
Rectâ pro-
nuntiat.
ling. La-
tin.*

*Alexand.
ab Ale-
xand. l. 2.
cap. 19.*

*Lib. 9.
Epist. 9.*

Effigies vultusque Philosophorum Gemmis insculptos
in annulis circumferre adeò familiare Antiquis fuit, ut
etiam pro amuletis haberent, quibus se felices credebant,
& fortunatos. Eumque morem usurpavit vir omnium
consensu disertissimus Muretus, qui SOCRATEM ita
amavit, ut in annulo gestaret, & vetere eius imagine
signaret: uti à Stoicis ZENO, ab Academicis PLATO,
à Peripateticis, sigillaritijs annulis gestatus ARISTOTE-
LES, & à plerisque omnibus EPICVRVS, *arbitrantibus hoc*
genti, & nomini suo fausti esse ominis. Tanta erat fama viri
magni, quâ tamen excidisse videri poterat, nisi illum Pe-
trus Gassendus, Dinienſis Ecclesiæ Præpositus, eruditif-
ſimo Commentario Librorum octo, sancta & recta præ-
cepisse ostendisset; nec fuisse *cute distentâ*, qualem depin-
xit Apollinaris Sidonius, sed eâ vitæ innocentia, puritate,
austeritate, quâ Philosophorum alius nemo fuerit; eâ in-
genij perspicaciâ, iudicijque maturitate, quâ non facile
ceteris concedat: denique otij magistrum fuisse, sed ho-
nesti.

Ad SOCRATEM quod attinet, Ethicæ Philosophiæ
Principem, quamquam illius *omne genus passim simula-
chra ferantur*, nec maius vllum esse felicitatis specimen ar-
bitretur Plinius, quàm semper omnes scire cupere QVA-
LIS fuerit aliquis; QVALIS tamen SOCRATES est, inquit
Plato, *qualisque eius mira dicendi ratio*, nemo propè ad eius
similitudinem accedit, neque veterum, neque eorum qui nunc
sunt, nisi ut dixi atque assimilaui. Quippe NVLLI HOMI-
NVM,

NVM, sed SILENIS, & SATYRIS similis ipse est, eiusque sermones. Nam & hoc à me prætermisum erat prius, sermones eius per similes esse SILENIS APERTIS. Si quis enim sermones eius audiat, videntur primâ, ut fertur, fronte nimium absurdi. Nomina quippe & verba, exteriori aspectu, SATYRI cuiusdam contumeliosi habitum præ se ferunt. Asinos enim fabrosque ferrarios, & sutores calceorum, coriariosque semper habet in ore, eademque semper dicere de eisdem videtur, ut omnes ferè, qui minus experti peritæ sint, verba illius irrideant. Verum si intus aspiciat quis eius sermones, primum quidem reperiet sensuum profunditatem habere solos aliorum omnium, & insuper diuinissimos esse, & plurimas virtutum speciosissimas imagines continere, atque ad plurima sese extendere; imò omnia præcepta comprehendere, quibus instrui debet is, qui honestè beneque victurus.

Est ita profectò magnâ ex parte, ut dicit Plato: ac, si ex animi sententiâ loqui liceat, non videtur in Antiquariorum abacis quidquam reperiri posse obscurius, vel illustrius Gemmis illis, quas non sine admiratione contrectans, ac diuturno examine fatigatus, omnes ad Socratis imaginem, eiusque vitam ac mores spectare deprehendi. In quibus explicandis nihil æquè ac breuitas placuit: manu enim ferenda sunt, non toto sinu, quæ ad illas illustrandas adferuntur, ne diutiùs pariant tædia pretiosi, nec traditi vultus. Pretiosos dico, vel maximè, si dulcem veterum insaniam spectes, apud quos hominis in Gemmâ, quamvis parua effigies, viuorum subinde hominum vigentiumque pretia superauit: laudandi, si medium tenuissent, nec taxatio fuisset in delicijs tanta.

Prima est in Smaragdo Gemmâ, de quâ Plinius: Nullius, inquit, coloris aspectus incundior est. Nam herbas quoque vi-

GEMMA I.
L. 37. c. 5.

rentes, frondesque auidè spectamus. Smaragdos verò tanto libentius, quoniam nihil omnino viridius comparatum illis videret. Præterea soli Gemmarum contuitu oculos implent, nec satiant. Quin & ab intentione aliâ obscurata, aspectu Smaragdi recreatur acies; scalpentibusque Gemmas non alia gratior oculorum refectio est: ita viridi lenitate lassitudinem mulcent. Sicque non ornatus causâ, nec signandi tantum gratiâ, Socratis imaginem è Smaragdo gestabant, verum etiam ad propriam institutionem, atque animi & corporis remedia, ut eius contuitu non oculos modò, sed animum implerent. MARCVS ipse ANTONINVS pretium Smaragdi ad mores transtulit: *Quidquid, inquit, alij loquantur, aut faciant, me quidem oportet esse bonum: haud aliter, quam si aurum, vel SMARAGDVS, vel purpura semper ita diceret: Quidquid alij dicant, aut faciant, SMARAGDVM esse me, colorem seruare meum me oportet.* Idem antè: SMARAGDVS enimverò, nisi laudetur, de bonitate suâ aliquid amittit? Tum alibi de Socrate: Alexander, Caius, & Pompeius, quid hi ad Diogenem, Heraclitum, vel SOCRATEM? Hi enim nouerunt res, earum causas, materias; hæc illorum principatus, & regna: ibi autem quantum ignorantia, tantum seruitutis. Epictetus in Enchiridio: Cum aliquid negotij tibi futurum est cum aliquo, ex proceribus præsertim; ipse tibi proponito, quid in eâ re factururus fuisset SOCRATES, aut Zenon. Ita fiet, ut te ratio non deficiat, quâ id quod obiectum fuerit, ritè administres.

Lib.7 de
seipso.

Lib.4.

Lib.8.

GEMMÆ
II. III.

Benè autem hæc ipsa, & quæ sequuntur Gemmæ, formâ eâ Socratem exprimunt, de quâ Plato, & Xenophon in Symposio, Sileno similem, caluum, tuberosæ frontis, naso simo, taurino aspectu, oculis emissitijs, eminentibus supercilijs, cuiusmodi Silones dicti à Sileno, qui hirsu-

hirsutis supercilijs pingebatur : Nam quod ad IMAGINEM *Hugo A-*
 SOCRATIS sculpitur simulachrum , nisi caluum , simum , pro- *therianus*
 minentiamque oculorum ostendat SOCRATIS, nequaquam eius *de Hares.*
 dicatur esse effigies. Synesius : Sophronici filius ille SOCRA- *lib. 3. c. 18.*
 TES , de se alioqui moderatè sentiens , ac in proprijs dotibus *In Enco-*
 prædicandis omnium parcissimus , temperare sibi minimè po- *mio Cal-*
 tuit , quin de suâ CVM SILENO similitudine gloriaretur. *nitijs.*
 Qui nimirum suis vxoribus inter se iurgantibus perurba- *D. Hiero-*
 nè illudebat , vt à tali improbitate & conuitijs abstine- *nymus ad-*
 rent , neque dignum se , vt propter eum disceptarent , qui *uers. Vi-*
 esset homo tam fœdus ac deformis , quiq; simis naribus , re- *gilantium.*
 caluâ fronte. Et fatuus ille percontator apud Ætheneum , *Lib. 5.*
 qui quærat: *An SOCRATE sit quispiam magis simus?* Quam-
 quam sint ista de genere eorum , quæ plus vrbauitatis ,
 minus amaritudinis habent , vt si in caluitium cuiusquam
 dicas , inquit Macrobius , vel in nasum , seu curuam erectio-
 nem , seu SOCRATICAM depressionem. Hæc enim quantò mi-
 noris infortunij sunt , tantò leuioris doloris. In VATINIO de- *Velleius*
 formitas corporis cum turpitudine certabat ingenij , ita vt *Patercu-*
 animus eius dignissimo domicilio inclusus videretur. E di- *lus lib. 2.*
 uerso ANTIGONVS , SILENI fronte , optimis moribus , *cap. 69.*
 cuius nepos ALEXANDER , cùm esset formâ supra homi- *Seneca l. 3.*
 nem augustiore , lanceam tamen in conuiuas suos torfit , *de Irâ*
 atque ex duobus amicis alterum feræ obiecit , alterum sibi. *cap. 22.*
 Adeò verum est sæpè mentiri frontem , vt est in commu-
 ni Prouerbio , & suâ Socrates docet. Pingitur à Sidonio , *Lib. 9.*
 comâ cadente , ob eius caluitiem ; ipseque narrare solebat , *Epist. 9.*
 visum sibi dormienti per insomnium , Platonem mutatum in *Athenens*
 Cornicem , qui suo capiti assultans GLABRAM CALVAM *lib. 11.*
 rostro scarificaret. Omnium , qui vnquam extiterunt , Phi-
 losophorum , CALVISSIMUM & mansuetissimum vocat

In Enco-
mio Cal-
uitij.

Lib. contra
Itelum ca-
lumniam
sect. 2. se-
rie 3. c. 15.

Synesius, qui quantumvis pro caluitio certet, ac sapientia notam esse decernat, tamen plerisque omnibus veterum aliam sedisse sententiam, doctissime probat Theophilus Raynaudus, & caluitium ob intectum caput, & faciliorem cerebri incommodationem, in mentis emotæ argumentum cessisse. Sanè, vt idem adnotauit, Moriones dictos *Caluos* ex legibus XII. tabularum eruit Nonius Marcellus; & Persius agens non cum homine è cuius capite abessent capilli, sed cum stolido & fatuo, ait:

Satyr. 1.

— *nugaris cum tibi CALVE*

Pinguis aqualiculus propenso sesquipede extet.

Marcil.
Ficinus
Comment.
in Plato-
nem.

Apud Petronium; *Eumolpus & ipse vino solutus dicta voluit in CALVOS iaculari*. Inde tot dictoria & scommata in Socratis caluitiem, quæ vt in seram posteritatem iret, non solum libris ac litteris expressa, sed etiam Gemmis, quas palam est cum illis conuenire. Perinde ac si glabro capite aliquid detraheretur villosæ hirsutæque animi prudentiæ, ob quam à Platone tantoperè celebratur. Sed homini, à quo nihil nisi magnum & incomparabile prodijt, vitæ seueritas, & aliorum scelerum correptio frequens, multos & magnos viros, vt solet veritas, infensos reddidit, ANYTVM, MELITVM, LYCONEM præsertim, ciues in Republicâ potentissimos: THRASYMACHVM, & POLIVM, & CALLIAM, Oratores: ARISTOPHANEM præterea Comicum, atque acerrimum insectatorem. Quod & Gemmæ testantur, vt mox dicam.

Virgil. 6.
Æneid.

Illi—*plurima mento*

Canities inculta iacet.

Quod proprium erat Philosophorum, etiam eorum, qui solo habitu virtutis studium præferebant, atque in boni
pon-

ponderis barbâ, quod notat Arnobius, sapientiam collocabant. Vnde Iuuenalis de illis loquens:

Satyr. 14.

BARBATOS licet admoneas mille inde MAGISTROS.
Et Persius:

— BARBATVM hoc crede MAGISTRVM

Dicere.

Vili palliolo tegitur, cuius paupertatem commendat idem Iuuenalis non sine sarcasmo in Athenienses:

Satyr. 7.

— Et hunc inopem vidistis Athenæ,

Nil præter gelidas ausæ conferre cicutas.

Agite, inquit Marfilius Ficinus, SOCRATIS personam ante oculos ponite, *Macilentum, aridum squallidumque videbitis: hominem scilicet naturâ melancholicum, ut fertur, atque hirsutum: extenuatum inedia, incuriâ sordidum: nudum præterea, id est, simplici & vetere opertum palliolo.*

Denique, ut cum M. ANTONINO absoluam, & quàm paucissimis: Cùm SATYRONEM vides, SOCRATICVM *Lib. 10. de seipso.*

Vnde non immeritò Ioannes Faber non dubitabat, GEMMA
quin aliquam multæ annulares Gemmæ, in quibus caput IV.
SILENI & FAVNI simul visitur, SOCRATIS & ALCE- In imagi-
BIADIS imagines referrent. In plerisque non eadem oris nes Illu-
similitudo; sed venia danda est artificum industriæ, qui- strum
bus fatis fuit *Socraticam caluitiem & simas nares non vno, Fulvii Vr-
fina.*
nec eodem filo cœlasse.

Quæ dum reperiuntur in Gemmis pro Galeâ Palladis, GEMMA
non nuda ornamenta sunt, aut Grylli, quod picturæ genus V.
ridiculum erat, Antiphilo auctore. In nummis siquidem Plinius
Atheniensium passim videre est Palladis caput galeatum, l. 35. c. 10.
quòd ea ciuitas, deorum iudicio, ut Apollodorus auctor Ludouicus
est, vel Cecropis, ut alij asserunt, Palladi consecrata Nonnius
est, vel Cecropis, ut alij asserunt, Palladi consecrata in Gra-
fue- ciam Golt-
zq.

fuerit, atque in deæ honorem Ἀθηνᾶν vocatæ. Nec frustra; nulla enim vrbs Pacis Bellique artibus æquè inclaruit. Ac præterea, quod maximè est in rem nostram, Petrus Seguinus, S. Germani Lutetiæ Antistes, & Fidemij Abbas in ditione Guisæ, Diœcesis Cameracensis, vir humanissimus, necnon *veterum Numismatum intelligentiâ, & selectâ horum copiâ, quam possidet, notissimus* (quâ laude, vt ceteræ taceantur, meritò cohonestatur à Iacobo Sirmondo in Anti-Tristano) cùm anno superiore semel atque iterùm Tornacum venisset, mecum communicare dignatus est antiquam Sardonychen, in quâ caput Socratis cum inscriptione ΑΘΗΝΗ. Vt palàm sit, Athenienses ingratos dum in viuis ageret Socrates, ab eius morte, irâ, vt fit, in pœnitentiam versâ, tanti ciuis institutione atque incunabulis ita gloriatos, vt illum ipsum pro Genio Tutelari, & Galeâ Deæ Præsidis assumerent, ad excelsam viri indolem indicandam, quæ nullis eorum frangi contumelijs potuerit, nullis sarcasmis, nullis irrisionibus succumbere. Erat enim præstantis genij, inuictæque sententiæ; magnâ animi sublimitate carpentes se atque obiurgantes contemnebat, fortis vbique & constans, sui victor, quæ omnium maxima victoria est; *in contrarium affectui motum se torquendo, se ipse sine lapsu seruabat & inuictum.* Eoque laudum omnium, ac sui contemptu obtinuit, vt sapientissimus iudicaretur, non humano elogio dumtaxat, sed etiam voce ipsius Oraculi:

Ἀνδρῶν ἀπάντων Σωκράτης σοφώτατος.

Mortalium vnus SOCRATES verè sapit.

GEMMA
VI.

Ex imo collo Palladis dependent MELITVS, ANYTVS, & LYCON, tres eius aduersarij, de quibus Libanius eâ Declamatione, quæ est eiusdem Socratis Apologia: Gra-

ne admodum fuerit post MELITVM, & maledicta ab eo conficta, ANYTVM superuenisse, qui maligno & longo sermone vteretur: & rursus super illo LYCONEM nullo abstinuisse artificio, ut vestrum vnus moreretur. Sed, ut præclare Seneca: Qui aduersus sæuissimos casus se extollit, & ea ma-

Lib.de
Consol.ad
Heluiam.

la, quibus alij opprimuntur, euertit, ipsas miseras INFVLARVM loco habet. Quando ita affecti sumus, ut nihil æquè magnam apud nos admirationem occupet, quàm homo fortiter miser.

Magna sunt illa quidem, & admiratione digna, sed nullâ re mirabiliorem videri Socratem aiebat Cato Maior, quàm quòd vxorem nactus difficilem, illam tamen comiter & humanè habuisset. Quod ad XANTHIPPEM attinet, exclamat Synesius, proh contemptum! ut SOCRATE utebatur! Nihil tamen eorum impediēbat, quo minus ille in eo contemptu latissimè degeret. In Onyce Thomæ Treuor Angli, cuius ectypon aliàs ad me misit Ioannes Michaël Ritus, nobilis pictor, atque harum Antiquitatum peritus studiosissimisque, memini me obseruasse iuncta capita AQVILÆ, SOCRATIS, & ipsius XANTHIPPE, addito etiam vasculo, quo virum priùs maledictis insectata, fœdâ etiam humoris eluuie perfudit. Quodque ipse importunæ feminæ factum ioco elusit: nimirum XANTHIPPEM tonantem, imbrem etiam effusuram.

GEMMÆ
VII.VIII.
IX.

In Dione.

Raderus
Parte 2.
Viridarij
Sancto-
rum.

Dicenti Alcibiadi, non esse tolerabilem vxorem adeò morosam: Atqui, ait, ego ita hisce iam pridem assuetus sum, ac si iugiter sonum trochlearum audiam. An verò tu non toleras clamore perstreptentes ANSERES? Illo dicente: At mihi oua pullosque pariunt; Et mihi, ait, XANTHIPPE filios gignit. Hinc Socrates in Gemmâ cum ca-

GEMMÆ
x.
Laërtius
in eius
Vitâ.

Orat. pro
Sext. Ro-
scio.

pite Anseris, & vxore Xanthippe, quæ ore diducto per-
strepere videtur. Vti apud Tullium Anserem inuenias
pro eo accusatore positum, *qui obstrepat tantum, noceat
tamen nihil.*

GEMMÆ
XLXII.
Q. Cur-
tius lib. 4.
Lib. de
Solertiâ
anima-
lium. &
Cicero l. 1.
Tuscul.
quæst.
In Dione.

Visitur & Socrates solus cum rostro aquilæ, *haud du-
bio victoriæ auspicio*, atque olorinâ imagine subinde etiam
capiti impositâ, de qua Plutarchus: *Non exigua, aut igno-
bilis, sed cum magna, tum peruetusta pars diuinationis est*
AVSPICIUM. Ideo in genere Euripides AVES deorum PRÆ-
CONES appellavit: in specie autem SOCRATES OLORVM
CONSERVVM se fecit. Et Synesius Aquilæ Cygni-
que Symbola ad Facundiam, & Philosophiam transtulit:
AQVILAM, inquit, CYGNVMque unâ esse, & utriusque
DONA possidere auibus quidem est à naturâ denegatum, ho-
mini verò à Deo permissum: cuiusque & LINGVÆ FA-
CUNDIA pollere, & PHILOSOPHIÆ compoti esse concedi-
tur. Ipse Socrates, cum per somnium vidisset oloris pul-
lum sibi in gremio plumescere, quique continuo exortis
alis in altum auolans suauissimos cantus ederet; postri-
die cum PLATO sibi à patre commendatus esset, hunc
esse CYGNVM, quem viderat, dixit.

Laërtius
in Platone.

GEMMÆ
XIII. XIV.
XV.
Pierius
Præfatione
ad l. 2.
Hiero-
glyph.

Lib. 8. c. 1.

Maiorem difficultatem habet adiunctum caput ele-
phanti cum proboscide, palmâ, caduceo, & capitibus
ANYTI, MELITI, atque ipsius XANTHIPES; nisi dica-
mus elephantum deformitatem suam præclaris dotibus
compensare, in eoque excellere, quod à se, naturâ sug-
gerente, & morum, & virtutum documenta præbeat,
ut multa ab eâ, tamquam à morum idæâ, homines de-
sumere, & imitari coacti fuerint. Illi, inquit Plinius, *quæ
etiam in homine rara, probitas, prudentia, æquitas. Quæ
omnia in Socratem bellissimè cadunt, à quo, quantum-
uis*

uis deformi, Ethica initium sumpsit : quique hortari so-
 leret iuuenes, *ut se in speculo frequenter contemplarentur, ut, Laërtius*
si formosi essent, digni eâ specie fierent, sin autem deformes, in eius
eruditione turpitudinem tegerent. Nec sinemysterio credi- *Vitâ.*
 derim cutem illam cancellatam in capite elephanti tam
 accuratè expressam esse; quòd nimirum Socrates, alienæ
 virtuti inuidos cum muscis compararet: ait enim apud
 Senecam: *Vobis vacat aliena scrutari mala, & sententiam* *Lib. de Vi-*
ferre de quoquam? Quare hic Philosophus laxius habitat? *tâ beatâ.*
Quare hic lautius cœnat? Papulas observatis alienas, quod
 MVSCARVM est, ipsi obsiti ulceribus. Plinius verò de ele- *L. 8. c. 13.*
 phantis: *Setarum nullum tegumentum, ne in caudâ quidem*
præsidium abigendo tædio MVSCARVM (namque id & tanta
vastitas sentit) sed CANCELLATA CVTIS, & inuitans id
genus animalium odore. Ergo cùm extenti recepere examina,
arctatis in rugas repentè CANCELLIS, comprehensas enecant.
 Hoc ijs pro caudâ, iubâ, villo est. Socrates de seipso vbi
 suprâ: *Illustrata est virtus mea per ea ipsa, per quæ peteba-*
tur. Produci enim illi, & tentari expedit: nec vlli magis
intelligunt quanta sit, quàm qui vires eius laceßendo senserunt.
 Hinc & palma in manu elephanti, victis scilicet moro-
 sitate XANTHIPES, & calumnijs ANYTI, & MELITI,
 quibus insimulari timuit ipse Plato, virtute animoque re-
 missior: quippe quem tradit Iustinus martyr non ausum
 fateri veram de Deo doctrinam, ne idem sibi accideret, *In Cohor-*
 quod Socrati: *PLATO autem, inquit, acceptâ, ut vide-* *tatione ad*
tur, MOYSIS & aliorum Prophetarum de VNO & SOLO *Gracos.*
DEO doctrinâ, quam in Ægypto didicerat, propter ea, quæ
SOCRATI acciderant, veritus ne ipse quoque ANYTVM
quempiam, aut MELITVM contra se apud Athenienses susci-
taret, accusantem, & dicentem: PLATO iniuste agit, & cu-

riosa tractat, deos, quos ciuitas recipit, non recipiens, CICTÆ METV Variam quamdam & fucatam de dijs instituit orationem.

*Libanius
Decla-
mat. 16.*

Additur præterea Gemmæ Socraticæ caduceus cum inscriptione, ΕΥΕΛΠΙΣΤΟΝ. hoc est, CONFIDENTER, seu CVM FIDUCIA, BONA FIDE, SINE FRAUDE. Πρέπεις δὲ τοῖς ἀγαθοῖς ἀνδράσι, τῆς μὲν ὑψηλῆς ἐλπίδος ἔχουσιν, δεχέσθαι δὲ δυνάμει ὅτι περὶ αὐτῶν δοκῇ τὸ θεῖον. Bonos siquidem ac fortes viros decet altæ spei adhærescere, ac planè quidquid deo visum fuerit, admittere. Quam æquanimitem, si quis alius, Socrates assecutus videtur, hæc ipsissima verba vsurpans apud Platone[m] paulò ante mortem: Ἀλλὰ γὰρ ἡδὴ ὥρα ἀπέραι, ἐμοὶ μὲν ἀποθανεῖν, ὑμῖν δὲ βιωσόμενοις· ὁπότεροι δὲ ἡμῶν ἐπὶ τὸ ἀμεινον περὶ μαῖον ἔρχονται, ἀδελφὸν παντὶ, πλὴν ἢ τοῦ θεοῦ. Sed iam hora est abeundi, mihi quidem, ut moriar, vobis autem, ut vitam agatis: utri porro nostrum ad melius eant, omnibus incertum est, nisi Deo. Idem, Synesio teste, Deo se morem gerere profitebatur, neque ei DIFFIDENDVM aiebat. Hinc Seneca: Si conuiuere etiam Græcis iuuat, cum SOCRATE, cum ZENONE versare; alter docebit te mori, si necesse; alter, antequam necesse erit.

In Dione.

*Lib. 24.
Variar.
Lect. c. 1.*

Maiore fortassis otio eliciat quispiam ab hisce Gemmis, quid sibi velint illa verba, quæ Nonius Marcellus è Varone citat, Ænigmati similia: *Se circumspexisse, atque inuenisse, cùm dormire cœpisset, tam glaber quàm SOCRATES, galbam esse factum ericium è pilis albis cum PROBOSCIDÈ.* Quo loco mendosissimo, ait Petrus Victorius legi debere pro galbam, caluam: loqui verò Varronem de quopiam, cuius forma valdè in somno immutata fuerat, & cùm caluus fuisset antequam dormitum isset, postea experrectus inuenisset se (quæ res admirationem ipsi meritò magnam

gnam attulit) capillatum. Erasinus in Adagijs legit: *Tam Chiliad. 5.
glaber, quàm Socratis callum.* Erat, inquit, corporis patien- Centur. 1.
tissimi, quod ad omnem laborem occalluerat, ambulabat nudis
pedibus, dormiebat humi. Hinc iocus in SOCRATIS CAL-
LVM. Non ignoro quid narrent de Gallo deplumato, quem
Diogenes, ni fallor, immiserat in scholam Platonis. Sed magis
placet, ut legamus callum, facilis enim est transitus à C
in G cognatam litteram. Hæc illi, sed neuter satisfacit.
Quidquid sit, mos fuit Atheniensium, eiusmodi Æni-
gmata proponere non tantum Gemmis, sed etiam Nu-
mismatis, in quibus apud Goltzium videre est minutulâ
formâ ad latus noctuæ, ELEPHANTVM, CAMELVN, ca-
put, ut videtur, ARIETIS, & CICADAM. Platonicum
quoque institutum esse docet * Synesius, sub vilioris argu-
menti specie, quæ sunt in Philosophiâ magna atque præstan-
tia, dissimulare; quamquam idem antè ab Ægyptijs obser-
uatum: quod & Sphinges illæ pro templis insinuabant,
& cum tradendi morem ab illis ad Græcos primus Py-
thagoras creditur transtulisse.

Laruæ in Gemmis sub imagine SOCRATIS, ut Comici
Senis in scenam inducti, & conuitijs proscissi ab Aristo-
phane. *Vulgus*, inquit Lucianus, huiuscemodi ut plurimum
est natura, ut cum res cauillatione & maledicentiâ agatur,
præcipuè gaudeat, cum ea, quæ absolutissima esse videntur,
mordicùs arripiuntur; quemadmodum olim gaudebat, cum
Aristophanes & Eupolis, irrisuonis gratiâ SOCRATEM in
scenam introducerent, comædiasque absurdas quasdam de illo
commentarentur. Tanta est lasciuia & leuitas plebeiorum
iudiciorum. Sed cum circumferretur, & crebrò nomina-
retur, publicè à Poëtâ Comico irrisus ἐν νεφέλαις, quærenti-
bus peregrinis, quis ille esset SOCRATES; ipsemet surrexit,

* Prefat.
ad Librum
de insom-
nijs.
Io. Picus
Miran-
dul. Pra-
fat. in
Heptaplū.
Reuchlinus
l. 2. de
Arte Ca-
ballisticâ.

GEMMA
XVI.
Ælianus
l. 2. varia
Historia.
Laërtius
in Socrate.
In Reniui-
scantibus.

*Raderus

Parte 2.

Viridarij

Sancto-

rum.

Theophil.

Rainand.

lib. 1. de

virtutib.

Sect. 1. c. 2.

De Disci-

plina mo-

rali dist. 3.

quæst. 2.

art. 1.

*Satyr. 2.

Bessarion,

Budæus,

Petrus

Godofre-

dus, Petrus

Halloix,

Marfilius

Ficinus,

et alij.

& ultro spectandum se, & irridendum omnibus propi-
 nauit. Monitus ab amicis, vt in spectaculum non veni-
 ret, se venturum dixit: aut enim falsa sibi obiectum iri,
 aut vera: falsa contemnenda, vera emendanda. * Gene-
 rosus profectò animus in homine pagano, quem rarò
 etiam in Christiano reperias. Sed in alijs offendisse, non-
 nullis visus est, neque adeò in iustorum virorum venire
 censum vlllo modo posse. Et SOCRATICOS *Cinados* per-
 stringit * Iuuenalis, seu molles Philosophos, qui clàm fœ-
 dis libidinibus dediti erant. Quamquam non desint Scri-
 ptores grauissimi, qui velint hanc probrosam fœditatem
 viro innoxio per calumniam fuisse impactam, ductum-
 que illum in Arcopagum, eiusdem de quo Paulus Apo-
 stolus, criminis accusatum, vt testatur S. Iustinus Philo-
 sophus & martyr. Sic enim de illo in Apologiâ ad Sena-
 tum, post medium: Σωκράτης τὰ αὐτὰ ἡμῖν ἐνεκλήθη. Καὶ ὃ
 ἔρασαν αὐτὸν κατὰ δαμόνια εἰς φέρειν, καὶ ἐς ἡ πόλις νομίζει θεός, μὴ
 ἡγεῖσθαι αὐτόν. SOCRATES eorumdem criminum est insimulatus,
 quorum nos. Etenim illum dixerunt noua introducere dæmo-
 monia, & quos urbs deos esse censet, eum non putare. Et
 paulò post, eundem Socratem cohortatum fuisse popu-
 lares suos ad cognitionem DEI IGNOTI, sic scribens:
 Πρὸς Θεὸν τὸ ἀγνώσκειν αὐτοῖς διὰ λόγον ζητήσεως ὁπίγνωσιν παρετρέπετο
 εἰπών. Τὸν δὲ πατέρα, & δημιουργὸν πάντων ἔθ' εἰρεῖν εἰδόν, ἔθ' εἰδόντα
 εἰς παντὰς εἰπεῖν ἀσφαλές. Ad Dei autem ipsis ignoti cognitionem,
 per rationis inuestigationem cohortatus est, dicens: Patrem
 verò, & omnium opificem, nec inuenire facile, nec inuen-
 tum ad omnes diuulgare securum est. Et mox subijcit CHRI-
 STVM ex parte cognitum à Socrate in illis verbis: Χεῖρ ὧ
 δ' ἐστὶ καὶ ὑπὸ Σωκράτους ὑπὲρ μέγας γνωσθέντι. Quod ideò fortè di-
 cit, quòd saltem confuse videatur Socrates Deum vnum
 agno-

agnouisse, & ita CHRISTVM, quàm DEVS est. Sic sensit Iustini illustrator Petrus Halloix, qui & eam versat questionem: *An SOCRATES eâ de DEO & CHRISTO imbutus fide fuerit, ut eius sperari salus possit?* Multiq̃ue in vtramque sententiam allatis, concludit affirmatiuam non prorsus esse improbabilem. Sed Hieronymus Aleander iunior, libello de Symbolo Ecclesiæ ex veteri gemmâ, vero propius existimat cæcutiisse Ethnicos illos Philosophos ad diuinæ veritatis lucem, & si quid auri è cælestis sapientiæ fodinis eruerunt, illud vanissimis opinionibus adiectis in scoriam vertisse, quemadmodum & de sacris Litteris hæretici hodieq̃ue faciunt.

Mirum alioqui profectò esset, videre Socratem bibonum & epulonum more, *cingentem viridi tempora pampino*, vti extat in Onyce Alberti Rubenij τὸ μαχαρίτῃ: mirum, inquam, illum hoc habitu, & victus seueritate victâ, qui tametsi esuriens, assentari numquam studuerit, qui, Laërtio teste, *parcè adeò ac temperatè vixit, ut cùm Athenas pestis sæpenumerò vastaret, solus ipse numquam agrotauerit*; qui denique aiebat, *se hoc à ceteris hominibus differre, quòd ut edant, viuant ceteri; se autem edere ut viueret*. Si tamen Hermippo fides apud Atheneum: *Acrocorinthum, sibi ab Antigona Rege commissam, dum assiduus comotationibus ad ebrietatem usque indulget, simul cum urbe ipsâ Corintho amisit*. Et apud eundem: *SOCRATES Platonis conuiuio abire non vult, quamuis Eryximachus, Phædrus, & alij quidam iam discesserint; sed vigil perstat cum Agathone & Aristophane, & ex argenteo poculo bibit (ingentia namque pocula sic rectè quispiam vocauerit.) Idem post è phialâ ingeniosè rursum bibit. Ex ijs, qui vigilabant, duo post dormitantes nictarunt, priorem tamen Aristophanem somnus*

Tom 1. &
altero illus-
trium
Ecclesia
Orientis
Scriptor.

GEMMA

XVII.

Horat. l. 3.

Carmin.

Ode 25.

Lib. 4.

Lib. 5.

mnus

*annus oppressit: at cum iam dilucesceret, SOCRATES, qui istos
sopiuerat, cum Agathone surrexit, abiitque in Lyceum. Quo
planè habitu repræsentatur in Gemmâ, cum Bacchico
coronamento, volumine in manu, & pallio Philosophico.
Vnde Timon de eodem Socrate apud Libanium: BIBIT
aliquis totos dies: adolescentem sustinet lasciuum homo philoso-
phari simulans, & lacernam vestitus CORONATVR. Lucianus
in Bis accusato, ubi conqueritur de multitudine Phi-
losophorum: Nusquam non BARBA PROFVNDÀ, & LI-
BELLVS in sinistrâ.*

GEMMA
XVIII.
*Laërtius
in eius
Vitâ.
Lib. de
Saltatio-
ne.*

*Pierius
lib. 5.
Hierogl.*

GEMMA
XIX.
*Valerius
Max. l. 8.
cap. 8.*

Sæpiùs item saltabat, eam exercitationem plurimum
ad tuendam bonam valetudinem conducere existimans,
sicut & Xenophon in Symposio testatur. Et Plutar-
chus de Sanitate tuendâ: SOCRATI exercitatio corpo-
ris non iniucunda fuit SALTATIO. Itemque Lucianus:
Ipse SOCRATES, vir omnium sapientissimus, si Pythio hoc
illum testimonio cohonestanti fides habenda est, non tantum
SALTATIONEM laudibus extulit, sed illam quoque discere
non erubuit, aut grauatus est, plurimum tribuens venustæ con-
cinnitati & elegantiae, tum apto motui, nec non mouentis affor-
mationi. Nec veritus est iam NATV GRANDIOR saltationem
inter serias habere disciplinas. Caput canis à tergo est, per
quem iurabat Socrates in Phœdro, tamquam reminiscen-
tiæ simulachrum, cum Lysia orationem memoriæ tradi-
disset. In Phœdone autem PER CANEM itidem iurabat,
cum putaret fidem & obsequium præstandum ijs, qui re-
rum habenas in ciuitatibus moderantur.

Otium, quod industriæ, & maximè studio contrarium
videtur, subnecti breuiter debet: non quo euanescit virtus,
sed quo recreatur. Alterum enim etiam inertibus vitan-
dum; alterum strenuis quoque interdum appetendum est:
illis

illis ne vitam eneruam exigant; his ut tempestiuam laboris intermissione, ad laborandum fiant vegetiores. Idque vidit, cui nulla pars sapientiæ obscura fuit, SOCRATES; ideoque non erubuit tunc, cum interpositam arundinem cruribus suis, cum paruulis filiis ludens ab Alcibiade visus est. Seneca de Tranquillitate animi: *Nec in eadem intentione æqualiter retinenda mens est: cum pueris SOCRATES ludere non erubescbat.* Præclari habitus fuisse scribit Laërtius: nudus in Gemma non ore modò, sed habitu totius corporis Silenum refert, quem adeò brevis staturæ depingit Lucianus, corpore obæso, & ventriculoso. Et Cassiodorus de eodem disertissimè: *Congregantur multæ res ad personas comiter exprimendas, ut est illud: SOCRATES filius Sophronici, cuius mater est Phanerete, CALVVS, VENTROSISSIMVS.* Hæc enim omnia SOLVM SOCRATEM indicare, ac definire noscuntur. Galenus in Methodo medendi: *Quis nescit SOCRATEM non idem significare ac RESIMVM, sed SOCRATEM totius esse substantiæ nomen, reliquorum autem nominum nullum de tota corporis substantiâ dici, non SIMVM, non VENTROSVVM, non CALVVM; sed horum aliud figuræ nasi est nomen, aliud defectus capillorum in capite, aliud magnitudinis esse ventris.*

SOCRATIS caput, iuncto altero imberbi, & supernè caluaria pro tegmine capitis vtriusque, qualem SOCRATEM ostendit Menippo Æacus apud Lucianum in Dialogis mortuorum: *Videsne, inquit, CALVVM illum? At omnes, respondet Menippus, hinc calui sunt, ossa nempe mortuorum, & CALVARIÆ carnibus renudatæ. SIMVM illum dico, subiungit Æacus; cui Menippus: Etiam hoc simile omnium est, nam & simi omnes sunt.* Quibus iocis Socratem ipsamque adeò mortem omnia æquantem laceffit,

In Philo-
pseude.In Psalm.
72.

Lib. 2.

GEMMA
XX.

irrisor vitæ & mortis, mastix hominum deorumque.

GEMMÆ
XXI. XXII.

Lib. 2.

Nec minore grypho Socratem videre licet cum gallo gallinaceo, quem moriens Æsculapio immolari præcepit, iunctis capitibus equi & arietis. Ludicrum, ut apparet emblemata, sed cui nullum ex serijs facile prætuleris. Ac de Gallo quidem Ioannes Reuchlinus de Arte Cabalistica ad Leonem X. Pontificem Maximum. Æsculapio, inquit, SOCRATES sapientissimus Gallum offerendum vouit, ut est in Platonis Phædone; non ut sibi corpus sanaret, qui iam morti adiudicatus Venenum biberat, sed ut parenti Apollini, hoc est, primo & incorporeo soli, æternæ vitæ dispensatori, animum tranquille morientis, cum lætitiæ iubilo, & Pæane redderet. Nam gallus Apollini Phæbo, qui Sol nominatur, sacer est, horarum & diei lætus nuntius. Æsculapius autem dictus est, à veteribus Iubilatio Apollinis, victoria, & triumphus, qui Pæan appellatur, quod parvam cessationem, & quietem post liberationem nominarint. Eâ enim ætate consueverunt inituri pugnam prius Marti, & post pugnam victores Apollini Pæana referre. Quàm aptè igitur SOCRATES in Æsculapio, qui est Pæan, Solem vitæ datorem veneratus sit iamiamque moriturus, doctissimorum hominum recta iudicia viderint, dignum sanè ratus, & optimo cuique officiosum, huius mundi Pythonem maximo serpente victo, & pedibus calcato, quando per mortem celeriter ad veram vitam iter capessitur, Æsculapio quidem, id est, Pæana celebrare. Sic Orpheus vetustissimus vatum, & coetaneus istorum deorum (nam cum Tyndaridis, & Hercule nauigasse perhibetur) in Hymnis cecinit: Ἰντὴρ πάντων ἀσκηπιέ δ' ἄσποτα παιᾶν, ἔλθε μάκαρ ποτὴρ βιοτῆς τέλῳ. & ἑσθλὸν ὁπάζων. Id est: Saluator omnium Æsculapi, domine Pæan, veni beate saluator, vitæ finem bonum præbens.

Aries ingratos Athenienses notare videtur; seu κεῖς

δ' ἄσπο-

& Xenovius: *Arietis ministerium*, vt est in veteri Prouerbio, quod Suidas, & Zenodotus referunt dici solitum de officijs in ingratos collocatis, quia nempe aries cornibus ferit pascentem, vti Athenienses Socratem; quod & illis exprobrans in Phædone apud Platonem: *Reor autem*, inquit, *quod & vos latere non debet*, nullum adhuc vobis bonum in hac urbe contigisse, quàm hoc MEVM MINISTERIVM, quod Deo placens exhibeo.

Equus supereminet: *Viris enim*, *EQVISQUE* (vt dicitur) *si honestatem tueri, ac retinere sententia est, decertandum est.* Folium vitis ore gestat, fortè ad iudicandum supremi in Socrate iudicij potestatem, quâ fontes, & ignaui nodosâ vite percutiebantur. Iuuenalis de Mario: Cicero l. 2. de Officijs. Satyr. 8.

Arpinas alius Volschorum in monte solebat

Pascere mercedes alieno lassus aratro.

NODOSAM post hæc frangebat vertice VITEM,

Silentus pigrâ muniret castra dolabrâ.

Hincque adeò notat Ioannes Macarius in Hagioglyptis, Romæ in Iuniano Sarcophago, & quodam alio, sub cingulo satellitis appensum ficus aut vitis folium, *Quod fortè*, inquit, *tunc satellitum erat signum, vt ab alijs dignoscerentur.* Sunt & iacula, quæ immotâ mente ad mortem vsque immisit in perditos mores Atheniensium: itemque Caduceus, quod MERCVRII donum sit animos ex efferatis Themistius Orat. 4. ad Valerientem. Imp. *cicures facere.* Pierius Valerianus vidit in onyce gemmâ, argumento non multum absimili, equinum caput, humanam faciem in pectus barbatam, gruinos pedes, caudam pulli gallinacei cum inscriptione *FAB.* *Ex quo*, inquit, *figmento, virtutes eas facile coniectes, quibus FABIVS Cunctator insignis fuit.* Nam *Principatum in bello ex equino capite; providentiam ex humano pectore barbato; providentiam & cuncta-* L. 4. Hieroglyph.

tionem, atque etiam speculationem ex pedibus gruinis; victoriam ex pulli gallinacei caudâ interpretamur. Et verò cum equis etiam Philosophos comparari solitos, vti tardos ingenio cum asinis, ad oculum ostendit vetus hæc Gemma, in quâ



Ὁ πᾶντα πᾶντι Ξενοκράτης ἀνὴρ γερωνός,

XENOCRATES vir ille, qui unus omnibus fuit omnia, vt patet ex eius inscriptione; tantoque rarior est, & quantius pretij, quod Xenocratis nihil extare scribat Ioannes Faber, præter eius Hermen sine capite cum inscriptione:

ΞΕΝΟΚΡΑΤΗΣ ΑΓΑΘΑΝΟΡΟΣ ΚΑΛΧΑΔΟΝΙΟΣ.

In Com-
ment. ad
Imag. Illu-
strum.

Laërtius in eius Vitâ hebetem ingenio, ac tardum adeò fuisse ait, vt dum illum Plato cum Aristotele conferrer, alterum freno, alterum diceret indigere calcaribus; illudque: Cui EQVO quem ASINVM iungo! Testis est Sidonius, crure collecto, pingi solitum: nec ratio in promptu, nisi fortè, vt in hac sardâ, ab æmulo Aristotele, aut vno aliquo ex eius sectatoribus, asello insidens representatus fuerit crure colle-

Lib. 9.
Epist. 9.

collecto, atque habitu mali fessoris, cum sæpè ad illum. Plato diceret: XENOCRATES *Gratijs sacra facito.*

Sequentis Gemmæ, in quâ SOCRATES cum PLATO- GEMMA
NE, meminit Ioannes Faber, & artificiosissimè incisam ap- xxiii.
pellat, quamque credibile sit à quopiam utriusque studiose
gestatam fuisse: Fortassis à Senecâ Philosopho, qui cultum
eiusmodi imaginum sibi vindicat, & Gemma ipsa lucem
ab eius verbis. Ait enim: *Quidni ego MAGNORVM VI-* Epist. 64.
RORVM & IMAGINES habeam, incitamenta animi? Quidni in fine.
illos honoris causâ semper appellem? Quam venerationem præ-
ceptoribus meis debeo, eandem illis præceptoribus generis hu-
mani, à quibus tanti boni initia fluxerunt. Si Consulem vide-
ro, aut Prætorem, omnia, quibus honor haberi solet, faciam:
equo desiliam, caput aperiâ, semitâ cedam. Quid ergo? Mar-
cum Catonem utrumque, & Lælium sapientem, & SOCRA-
TEM cum PLATONE, & Zenonem Cleantemque in animum
meum sine dignatione summâ recipiam? Ego verò illos vene-
ror, & tantis nominibus semper assurgo.

Socratem cum socijs in carcere depictum fuisse innuit GEMMA
Lucianus de Morte Peregrini, hisce verbis: *An expectatis* xxiv.
dum pictor quispiam accedens vos depingat, quemadmodum
IN CARCERE iuxta SOCRATEM socij depicti sunt? Tale
quid Gemma repræsentare videtur, in qua sedens Philo-
sophus utrâque manu dextrum mulieris adstantis bra-
chium amplectitur, veluti ultimum vale dicens affectibus.
Quod ab Socrate morituro, nouissimâ verecundiâ, & mo-
destissimè præstitum: Venerunt, inquit Plato in Phædone,
& MULIERES DOMESTICÆ, quibus ea, quæ volebat,
cùm mandauisset, SOCRATES, etiam ut abirent, iussit. E re-
gione figura lugentis habitu insidet scuto, ut Germanus
miles in nummis Domitiani, quo videlicet indicatur So-

cratis casu prolapsa Atheniensium virtus. Adest & comcedia, quæ innixa ludicro instrumento, capiti velum obducit, seu pœnitens in eundem dictorum & factorum. Quartus oculis manum admouet, & ingemiscit, non tamquam in hominem iustum, sed tamquam in ipsam iustitiam animaduerneretur: quæ persona non videtur alteri conuenire, quàm vndecim virorum lictori, quî allatâ cicutâ, ita Socratem apud Platonem postremum alloquitur: *Nunc scis quem tibi nuntium adferam. Vale, atque annitere quæ necessaria sunt pro viribus facile ferre. Et simul his dictis, subiungit Plato, abibat LACRYMANS.* Columna in medio, Socraticæ gloriæ sublimitatem effert, prisco more, & ab ipsis Atheniensibus usurpato, quo non statuae tantum, sed & Columnæ ijs erigebantur, qui de Rep. benè meriti erant; vel certè Philosophi in ipso carcere iamiamque morituri constantiam & fortitudinem indicat, de quâ Seneca, summus vbiq; Socratis admirator:

Epist. 24. In IPSO CARCERE disputauit, & exire (cùm essent qui permetterent fugam) noluit: remansitque ut duarum rerum grauissimarum hominibus metum demeret, MORTIS & CARCERIS. Eodem illo vultu, quo aliquando solus triginta tyrannos in ordinem redegerat, CARCEREM intrauit, ignominiam ipsi loco detracturus. Neque enim poterat CARCER videri, in quo SOCRATES erat.

Plinius l. 7. c. 19. Lib. 1. de Memorabilib. Socratis. Iuuenal. Satyr. 13. Primus de vitæ ratione differuit, ac primus Philosophorum damnatus moritur: *Clarus scientiâ, eodem semper visus vultu, nec aut hilari magis, aut turbato. Quem nemo vmquam, ut Xenophon auctor est, impium quidquam, vel iniustum, aut facientem vidit, aut docentem audiuit:*

Qui partem acceptæ sœua inter vincla cicutæ Accusatori nollet dare.

Adeo non labefactarunt virum probum & constantem, ut ne concusserint quidem Atheniensium conuitia & criminationes, quos deterrimi parricidij ita mox pœnituit, ut statim ab eius morte Palæstras & Gymnasia clauferint: *Laërtius in Socra-
te.* & alios quidem exilio, MELITVM verò morte condempnauerint; SOCRATEM porro æreâ statuâ honorarint à Lyfippo factâ, quam in Pompeo, celeberrimo ciuitatis loco, posuerunt. ANYTVM denique peregrè profectum Hera-
cleotæ ipsâ die edicto exterminarunt. Ad extremum Plutarchus Libro de *Inuidia & Odio*, cum maiori etiam exaggeratione pœnitentiæ Atheniensium: *Eos, inquit, quorum calumnijs SOCRATES fuit oppressus, ut extremè malos ita oderunt, & auersati sunt ciues, ut neque ignem eis accenderent, neque interrogantibus responderent, neque in balneo unâ lauarent, sed quâ illi lauissent, eam ut pollutam iuberent à ministris effundi, donec illi odium istud non ferentes, se suspenderunt.* Atque hæc SOCRATIS numquam interitura gloria: hic ANYTI, MELITI, LYCONIS, & Aduersariorum ei obloquentium

F I N I S.



A P P R O-

APPROBATIO CENSORIS.

VIdi Philosophorum sapientissimum multoties
in Gemma exhibitum, eundemq^{ue} legi, subtili
perspicuitate explicatum Opusculo, cui Titulus, Ioan-
nis Chifletij Canonici Tornacensis Socrates, siue
de Gemmis eius imagine coelatis Iudicium, quod
prælo dignissimum censui, velut appendicem ad
Gemmas Abraxeas ab eodem Auctore pari felicitate
explicatas. Quod attestor Bruxellæ Idibus Mar-
tij. M. DC. LXI.


Antonius Sanderus Presbyter,
S. Th. Licent. & c. Lib. Cens.



e.

9/12





Special
92-B
20036

THE GETTY CENTER
LIBRARY

